



Inatsisartunut ilaasortaq Sofia Geisler Inuit Ataqtigiit

Asasara Sofia Geisler

13-08-2018
Suliap nr.: 2018 - 15756
Allakkiap nr. 32288832

Apeqquteqaammut Inatsisartut Suleriaasianni §37 naapertorlugu nassiussannut, qujanaq. Apeqqutit ataasiakkaarlugit matuma kingorna issuarneqarput, akissuteqaat tulliulluni allassimalluni.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

1. Atorunnaarnissaannut piffissaliusaaq sioqqullugu, tassalu ukiuni 2018-imi aamma/imaluunniit 2019-imi ilaasunik assartuussinermut kiffartuussinissamik Diskoline-mut isumaqatigiissut atorunnaarsinneqassagaluarpat tamanna inuiaqatigiinnut / Nunatta Karsianut qanoq naleqassava?

Kiffartuunneqarnissamut isumaqatigiissut naapertorlugu piffissami isumaqatigiissuteqarfiusumi isumaqatigiissut illuatungeriinnit atorunnaarsinneqarsinnaanngilaq. Pisuni immikkut ittuni isumaqatigiissut annertuumik sumiginnarneqarsimappat, ullut 30-it piffissamut killiliussat iluanni iluarsineqarsinnaanngitsunik, isumaqatigiissuteqarnermut tunngavigisat annertuunik allannguuteqarneranni imaluunniit force majeure, isumaqatigiissut atorunnaarsinneqarsinnaavoq. Maannakkorpiaq isumaqatigiissutip atorunnaarsinneqarneranik malitseqarsinnaasumik pissuteqarnertoq, assersuutigalugu sumiginnaasoqarsimasoq, oqartoqarsinnaanngilaq.

Namminersorlutik Oqartussat tunngavilersuutitaqanngitsumik isumaqatigiissutip atorunnaarsinnissaa kissaatigissappagu, Namminersorlutik Oqartussat taarsiinissamik piumasaqaateqarfigneqarsinnaassapput. Taarsiissutissaasinnaasup amerlassusissai eqqartuussivimmi pinngitsoorani aalajangersarneqartussaassaaq.

2. Atorunnaarnissaannut piffissaliusaaq sioqqullugu, tassalu ukiuni 2018-imi aamma/imaluunniit 2019-imi ilaasunik assartuussinermut kiffartuussinissamik Diskoline-mut isumaqatigiissut atorunnaarsinneqassagaluarpat angallattunik kiffartuussinissamik allamik Naalakkersuisut piareersimasuutitaqarpat?

Naalakkersuisut maannakkut kiffartuunneqarnissamut isumaqatigiissutit atorunnaarsinnissaat pilersaarutiginngimmassuk, allatut pilersaarutininik suliaqartoqanngilaq.

Oqaatigineqassaaq, Inatsisartunut ilaasortat tamarmik oktobarip qaammataani attaveqaqatigiinneq pillugu isumasioqatigiinnissamut aggersarneqareermata. Piffissamut kiffartuunneqarnissamut isumaqatigiissuteqarfiusussamut suliaqarnerup ingerlanissaata aallartinnissaa siunertaralugu, kiffartuunneqarnissamut isumaqatigiissutit oqallisiginissaannut atugassatut isumasioqatigiinnermi ulloq ataaseq immikkoortinneqarpoq.

3. Ilaasunik kiffartuussinissamik isumaqatigiissummik aallaavilimmik angalasunik sullissinerup pitsaanerulernissaanut qulakkeerinninnissamut Naalackersuisut sumik aporfeqarpat?

Naalackersuisut aningaasaqarnikkut killissaliussat, Aningaasanut inatsisip akuerineqarnerani Inatsisartunit aalajangiunneqartut, iluanni kiffartuunneqarnissamut isumaqatigiissuteqarnissamut taamaallaat periarfissaqarput.

Juunip qaammataani suleqatigiissitaliaq pilersinneqarpoq, atorfilittanit, Air Greenland-imit aamma Disko Line-mit peqataaffigineqartoq. Maannakkut periaatsip pitsanngorsarneqarnissaanut siunnersuuteqarnissaq suleqatigiissitaliaq suliassaraa.

Inussiarnersumik inuulluaqqusillunga

Simon Simonsen